



**Pemulangan aset 1MDB
USD322 juta daripada Jabatan Keadilan (DOJ)
Amerika Syarikat dan SGD 50 juta daripada Singapura
akan digunakan untuk membayar hutang 1MDB sebanyak
RM51 bilion**

SIARAN MEDIA KEMENTERIAN KEWANGAN MALAYSIA

**PEMULANGAN ASET 1MDB USD 322 JUTA DARIPADA JABATAN KEADILAN (DOJ) AMERIKA SYARIKAT DAN
SGD 50 JUTA DARIPADA SINGAPURA AKAN DIGUNAKAN UNTUK MEMBAYAR HUTANG 1MDB SEBANYAK
RM51 BILION**

Kementerian Kewangan (MOF) menyambut baik pengumuman Jabatan Peguam Negara bahawa sejumlah USD322 Juta (RM1.3 Bilion) daripada aset-aset 1MDB dapat dikembalikan ke Malaysia berikutan Inisiatif Pemulihan Aset Kleptokrasi oleh Jabatan Keadilan (DOJ) Amerika Syarikat. Jumlah tersebut merupakan sebahagian daripada jumlah USD4.5 Bilion yang DOJ dapati diseleweng daripada 1MDB (lihat Jadual 1). Keputusan DOJ ini merupakan kedudukan terkini setelah mahkamah Singapura mengarahkan dana berkaitan 1MDB sebanyak SGD50 Juta dipulangkan ke Malaysia (lihat Jadual 2).

Jadual 1: Pemulangan Aset 1MDB Daripada Amerika Syarikat

Aset 1MDB Dipulangkan Dari Amerika Syarikat	Nilai Aset	
	USD 'Juta	RM 'Juta @USD1:RM4.10
Jumlah yang akan diterima: Park Lane Hotel, Manhattan	139	570
Jumlah yang telah diterima: Syarikat Pembinaan Filem Red Granite Kapal Layar Mewah 'Equanimity'	57 234	126 517
Jumlah Kecil	183	751
Jumlah Keseluruhan	322	1321

Jadual 2: Pemulangan Aset 1MDB dari Singapura

Aset 1MDB Dipulangkan dari Singapura	Nilai Aset	
	SGD 'Juta	RM 'Juta @SGD1:RM3
Jumlah telah diterima	15	45
Jumlah akan diterima	35	105
Jumlah Keseluruhan	50	150

Dana daripada pemulangan aset 1MDB ini akan digunakan untuk membayar hutang 1MDB sebanyak RM51 Billion. Jumlah ini adalah termasuk faedah yang perlu ditanggung sebanyak RM10.8 Billion dan pinjaman MOF yang telah digunakan untuk membayar hutang 1MDB setakat ini sebanyak RM8.6 Bilion (lihat Jadual 3). Dana ini juga akan digunakan untuk membayar kos guaman dan perbicaraan yang terbit daripada usaha memulangkan dan melupuskan aset-aset 1MDB di seluruh dunia.

Jadual 3: Senarai Hutang 1MDB Semasa

Hutang 1MDB	Prinsipal RM 'Juta	Faedah RM 'Juta	Jumlah RM 'Juta
Terbitan Bon USD 6.5 bilion @ USD1:RM4.10	26,650	4,906	31,556
Terbitan Sukuk RM5.0 bilion	5,000	5,894	10,894
Jumlah telah dibayar oleh MOF	8,564		8,564
Jumlah Keseluruhan	40,214	10,800	51,014

Pemulangan aset-aset ini merupakan langkah awal ke arah penyelesaian isu 1MDB dan pemulihan reputasi Malaysia supaya tidak lagi dikenali sebagai negara kleptokrasi. Pemulangan aset-aset ini menerusi proses undang-undang juga membuktikan salah laku yang telah berlaku berkaitan dengan 1MDB.

Kerajaan akan meneruskan usaha-usaha untuk mendapatkan kembali aset-aset 1MDB yang lain, dan pada masa yang sama akan memperkukuhkan kawalan dalaman dan inisiatif anti-rasuah supaya perkara sebegini tidak dapat berlaku lagi di masa hadapan.

Sayangi Malaysiaku!

Kementerian Kewangan Malaysia
Putrajaya
8 Mei 2019

[Tweet](#)

[Like](#) Be the first of your friends to like this.